



Sanaartortitsisoq: Kommune Kujalleq, Postboks 514, 3920 Qaqortoq
aamma SB

SA

07-07-2023

Kommuni: Kommune Kujalleq:

SULIASSAMIK IMMIKKUT NASSUIAAT (SA) AAMMA IMMIKKUT PIUMASAQAATIT (SB)

Suliassat tamarmiusut ingerlanneqarnerat uunga tunngasut

Qaqortumi EQQAGASSALERINEQ ANARTARFILERINERLU, Kommune Kujalleq

Imai

1	TUNNGAVIUSUMIK.....	4
1.2	Sullissinerup suliarinissaanut tunngavissat	4
2	QAQORTUMI EQQAKKANIK KATERSINEQ.....	5
2.1	Eqqaaviit containerillu	6
2.2	Suliap suliarinissaa.....	6
2.3	Atuutilernissaanut ikaarsaariarfik	6
2.4	Igitassat nalinginnaasut avataatigut eqqagassat allat poorsuillu eqqaavissat immikkut tunniunneqartussat	7
2.5	Igitassanik katersuisarnerup avataatigut immikkut imaarneqarneq.....	7
2.6	Imaaruminaatsumiittut	7
2.7	Eqqagassanik katersinermi ingerlaarfigisassanik pilersaarusionerq	8
2.8	Nalliuttuni katersineq	8
2.9	Silamik sapernuneg	8
2.10	Nalunaaruteqarnermi allagartaq.....	9
2.11	Maangaannartitsineq	10
2.12	Imaarniarlugit puigukkat imaluunniit imaangitsuukkat allallu.....	10
2.13	Naammagittaalliornerit	10
2.14	Atortunik paasissutissiissutinik tunniussuineq.....	11
2.15	Eqqakkanik tigooqqaavik.....	11
3	PERIARFISSAQ 1 – AVATANGIISINUT NAVIANARSINNAASUNIK IGITANUT KARSIT	11
3.2	Eqqakkanik tigooraavik	12
3.3	Isumaqatigiisummik atorunnaarsitsineq	12
4	QAQORTUMI ANARTARFINNIK KATERSISARNEQ	13
4.1	Anartarfiit imaartakkat anartarfinnullu kuutsittakkanut katersuiviit.....	14
4.2	Suliap suliarinissaa.....	14
4.3	Atuutilernissaanut ikaarsaariarfik	14
4.4	Igitassanik katersuisarnerup avataatigut immikkut imaarneqarneq.....	15
4.5	Imaaruminaatsumiittut	15
4.6	Eqqagassanik katersinermi ingerlaarfigisassanik pilersaarusionerq	15
4.7	Nalliuttuni katersineq	16
4.8	Sila	16
4.9	Nalunaaruteqarnermi allagartaq.....	17
4.10	Maangaannartitsineq	17

4.11	Imaarniarlugit puigukkat imaluunniit imaanngitsuukkat allallu	17
4.12	Anartarfiit imaasa aniatinneqartarneri	18
4.13	Naammagittaalliernerit	18
4.14	Eqqakkanik tigooqqaavik	18
5	BIILIT KATERSISSUTIT	19
5.1	Biilit sillimmataasut	19
6	SULISUT SULEQATIGIINNERLU	20
6.1	Suliffimmi avatangiisit isumannaallisaanerlu	21
6.2	Sulisunik ilitsersuineq	21
6.3	Katersinerup nalaani aqutsisoq inuillu pingaarutilimmik inissisimasut	21
6.4	Aallarnisaataasumik ataatsimiinneq	22
6.5	Sulisunik ataatsimeeqateqartarnek	22
6.6	Nammineq nakkutilliineq nakkutiginninnerlu	22
7	NAAMMASSINNGITSUUINERMI AKILIISITSINEQ	23
7.1	Naammassinngitsuukkanut akiligassanngortunut takussutissiaq	23
8	AKILIINEQ NALEQQUSSAANERLU	24
8.1	Naammassinngitsuukkanik akiliisitsisarnek	25
8.2	Akinik naleqqussaaneq	26
9	ISUMAQATIGIISSUMMUT TUNNGASUT	26
9.1	Qularnaveeqqusiineq	26
9.2	Inummut allamut sillimmasiineq akisussaaffeqarnerlu	27
9.3	Pisinnaatitaaffinnik tunniussineq	27
9.4	Sullissisimut sullissisunik taarsiineq	28
9.5	Suliassap annertussusaanik suliassallu suuneranik allannguutit kiisalu ersarluttut allallu	28
§ 6.	Pisussaaffimmik sumiginnaaneq	29
9.7	Taarsiissuteqarnek	31
9.8 -	Ingerlaannissamik unittoorneq/Naatsorsuutiginnngisamik pisunik nalaanneqarsinnaaneq	31
9.9	Eqqagassalerisoq toquppat	32
9.10	Misileraalluni aaqqissuussinerit	32
9.11	Nakkutilliineq nakkutiginninnerlu	32
9.12	Suliffeqarfimmik tunniussineq	33
9.13	Atuutilersitsineq atorunnaarsitsinerlu	33
9.14	Isumaqatigiissitsiniarnikkut eqqartuussineq	33

1 TUNNGAVIUSUMIK

Illoqarfimmi pineqartumi eqqagassalerinermi anartarfilerinermilu katersisoqartassaaq pingaarnertut ima ittunik qulequtaqarluni:

Suliassaq nr. 1, Qaqortumi eqqaavilerineq aamma anartarfilerineq

- Eqqagassanik aallerneq, assartuineq eqqaanerlu
- Eqqaaviit puussiaannik pisiniarneq, toqqortarininneq ikkussisarnerlu
- Anartarfinnik aallerneq, assartuineq kueraanerlu
- Anartarfiit puussiaannik pisiniarneq, toqqortarinninneq tunniussisarnerlu
- Anartarfiit tankiinik imaarsineq, imaanik angallassineq kueraanerlu

Sullissinerup qanoq imaqarneranik nassuiaammik allakkiaq manna imaqarpoq kiisalu sullissinermut isumaqatigiissutip imaanik nassuiaatinik.

1.2 Sullissinerup suliarinissaanut tunngavissat

Suliassat pillugit paasissutissani piumasaqaatit ilanngussat sukannernerulersitallu ilanngunneqarnerisa saniatigut allagaatit tamanut atuuttut piumasaqaatillu taakkununga atasut ilivitsuullutik atuupput:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq
- Namminersornerullutik Oqartussat ikuallajasut pillugit nalunaarutaat nr. 9, 6. marts 1987-imeersoq
- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq
- Kommune Kujallermi eqqagassalerinermut maleruaqqusat atuuttut
- Sullivinnik Nakkutilliisoqarfimmiit ilitersuutit D.2.24-1 - eqqagassalerinermut aqqissuussineq atuinerlu 2009 juulimeersoq - april 2015-imi nutarneqartoq
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq

2 QAQORTUMI EQQAKKANIK KATERSINEQ

Aqqissuusinermut ilaapput ilaqutariit angerlarsimaffii, inissiat quleriaat, sunngiffimmi illut assingisaallu kiisalu suliffeqarfiit inuussutissarsiorfeqarfiillu eqqagassanik igitsittarnissamik nalunaarnikut.

Najugaqarfiit inuit najugaat eqqagassalerinermut pinngitsooratik nalunaarsimanissaminnik pisussaaffeqarput.

Suliffeqarfiit eqqaavilerinermi assingusunik igitassaatillit kommunip eqqagassalerinermik aqqissuussisimaneranut ilanngussinnaapput.

Eqqaaviit 110 L-inik eqqakkanullu containereeqqaniit eqqakkat katersorneqartassapput.

Illoqarfimmi innuttaasunik suliffeqarfinnillu kiffartuussinerup pitsanngorsarnissaanut containereeqqanik (660 liter missaanniittunik imaqarsinnaasunik) Kommune Kujalleq nutaatut peqalersitsinissamik periarfissiisaaq.

Eqqakkat sapaatit akunneri tamaasa ikioq naallugu katersorneqartassapput. Sunngiffimmi illut assingisaannilu imaarsisarneq naleqqussaavigineqarluni pisassaaq. Sunngiffimmi illuni assingisaannilu eqqakkanik aallerneq piffissami 1. aprilimit 31. oktoberimi pisassaaq.

Nalunaaquttap 6.00 - 18.00 iluani katersineq pisassaaq.

Eqqakkanik aallertarneq nalinginnaasumik eqqaaveqarfinnut aallertarnertut pisassaaq. Pooq eqqakkanik imallit eqqagassalerisup eqqaavimmiit biilinet eqqakkanik katersuissutitut toqqaannartumik assartortassavai. Imaarsereernermi eqqaavilerisup puussiaq eqqaavissaaq nutaaq siaarlugu eqqaavimmut ikkutissavaa matualu matullugu. Containereeqqat biilinet katersiviusumukaateriarlugu, imaarsinnarlugu inaanut utertissavaa. Containerit imaarnerini containeri inaanniit imaarsisaarfiliaateriarlugu imaarneqassaaq, imaareerpat containeri inaanukaateqqinneqassaaq.

Eqqagassalerinermi igitat taamaallaat katersorneqartassapput.

Eqqagassalerisup Qaqortumi aqqutit nammineerluni ilisimassavai, tamatumani aqqusernit qanoq ittuunerat, aqqusernit qallersorsimanerat, aqqutit nerukitsut, aqqusernit kaajallaffissaqaratik isuliffillit allallu kiisalu illoqarfimmi eqqagassanik aallertarnissamut naleqquttunik atortoqarnissani eqqagassalerisoq nammineq peqassaaq.

Eqqagassanik katersinermi sulisut biililu eqqakkanik katersissutaasoq ingerlaqatigiissapput najukkallu tulleriarlugit apuuffigisarneri naapertorlugit eqqaavinnik imaarsisarneq pisassaaq.

Aqqutissatut biilinillu ingerlaffissatut tamanit aqqutigineqartussat nunaminertallu nammineq pigineqartut eqqaavilerisup aqqutigisassavai.

Sumiiffinni nerukitsuni aqqutigiuminaatsunilu eqqakkanik katersinermi eqqagassalerisoq eqaatsumik suleriuseqassaaq.

Eqqagassalerisup eqqakkanik imaarsinissamini ungalut matuunik, matorsuarnik, containerit assiaqutaannik, kalunnernik, ikaarfissiatut inissitat assingisaalluunniit aqqutiginnittarnissani akuerissavaa.

2.1 Eqqaaviit containerillu

Nammineq illuutillit inuussutissarsiornermillu ingerlatallit, inissiaatileqatigiiffimmit immikkut aaqqiissuteqarfigineqarsimasumi najugaqanngikkunik, namminneq akilikkanik eqqaavinnik pissarsinissamut aserfallatsaaliinissamullu pisussaafeqarput.

Eqqaaviit eqqaavissiatut atorneqartussat Teknikkimut Avatangiisinullu Ingerlatsiviup sumiiffimmi atugassatut akuerisamassavai eqqaavittullu inissisorneqartussat kommuni akuerisimasai kisimik atorneqassapput.

2022-mi kvartalit sisamaanni sapaatit akunnerannut eqqaavinnik taarsiinerit 1.520-nut naatsorsorneqarsimapput.

Sungiffinni illuni assingisaanilu eqqakkannik katersorneqarsimasut amerlassusaat 2018-imi naatsorneqarnikuunngillat.

Containereeqqat 40 missaanniittut imaarneqartarnissaat naatsorsuutigineqassaaq. Amerlassusaalli eqqortumik taaneqarnissaannut kommune imminut pisussaatinngilaq. Containereqqanik pilersuinermi eqqakkanik katersuviit 110 literiusut ikileriarnissaat naatsorsuutigineqassaaq.

2.2 Suliap sularinissaa

Eqqagassalerisoq nammineerluni eqqaavinnut puussianik pisisassaaq.

Containereeqqanik pisiortornissami allaffissornissarlu eqqagassalerisup nammineq isumagissavaa.

Eqqaavinnut puussat eqqaavinnut naleqqutissapput naammagullutillu. 700 x 1200, issussuserissavaallu 120 my.

Containereeqqat plastikkiussapput 660 literinillu imaqqortussuseqassallutik.

Eqqakkanut puussiat aserortussaajunnaarlugit toqqortarineqarnissaat eqqagassalerisup akisussaaffigaa.

Eqqakkanut puussiat ajoqtillit atorneqannginnissaat eqqagassalerisup akisussaaffigaa.

2.3 Atuutilernissaanut ikaarsaariarik

Kommune Kujalliup kissaatigaa eqqassalerisoq aallartilluassasoq, taamaammat piffissami isumaqatigiissuteqarfimmi qaammatit siulliit pingasut atuutilersitsivinnermut

ikaarsaariarfittut isigineqassapput. Atuutilersitsivinnissamut ikaarsaariarfik piffissaligaassaaq 30-10-2023-miit 29-01-2024-mut.

Atuutilersitsivinnissamut ikaarsaariarfittut piffissap nalaani eqqagassanik katersisarnermi ingerlaarfissatut pilersarusiortoqassaaq katersinermullu tunngasut allat tamaasa aamma iluarsineqarlutik kiisalu containereeqqanik 660 literinik imaqqortutigisunik atuutsilersoqassalluni.

Kinguaattoornermut tunngatillugu aqqissuussineq atuutilersitsivinnissap nalaani atuutitssanngilaq.

Kommune Kujalliup naatsorsuutigaa sulinerup inissilluarnissaanut tunngasut tamaasa aqqinniarlugit eqqagassalerisoq atuutilersitsivinnissamut ikaarsaariarfimmi ilungersorumaartoq.

2.4 Igitassat nalinginnaasut avataatigut eqqagassat allat poorsuillu eqqaavissat immikkut tunniunneqartussat

Igitassat nalinginnaasut avataatigut igitsisoqassappat aatsaat puumut ikineqarsimappata iginneqartassapput aatsaallu imatut ilisarnaateqarpata "Ekstra affald". Ilisarnaasiussassat Innuttaasunut sullissivimmi pisiarineqarsinnaapput.

Poorsuaq anginerpaamik 110 literimik imaqqortussuseqassaaq. Poorsuaq eqqaavik isumannaatsumik matuneqarsimassaaq annerpaamillu 25 kiilunik oqimaassuseqassalluni.

Igitassat allat tiguneqartassanngillat, aatsaallu Kommune Kujalleq isumaqatigisimagaanni iginneqartassallutik, assersuutigalugu igatassanik kingullermik katersuinermi najukkat ilaat imaangitsoorneqarsimappata.

Poorsuit eqqaavissat immikkut tunniunneqartussat neqeroornermi ataatsip akia akilerneqartassaaq poorsuillu igitassat amerlassusaat nalunaarneqartassallutik.

2.5 Igitassanik katersuisarnerup avataatigut immikkut imaarneqarneq

Eqqagassalerisoq Kommune Kujallermiit piumaffigineqarsimanermigut immikkut igitsisinnaassaaq. Immikkut imaarneqarnissamik noqqaasoqareerneratigut kingusinnerpaamik aqaguani imaarsisoqartassaaq.

Eqqagassanik katersinermi aqqutigineqartartut avataanni immikkut ittumik imaarsisoqassappat puumut ataatsimut akeqartitsisoqassaaq, tamannalu immikkut imaarsisoqassatillugu neqeroorummi akimik taaneqartumik akeqartinneqassaaq.

2.6 Imaaruminaatsumiittut

Eqqakkanik katersinermi eqqagassalerisoq assaassagaluaruniluunniit imaluunniit aqqusinerni, aqqusineeqqani aqqutinilu allani arlaannik suliaqaqqaassagaluaruni katersisassaaq.

Taama pisoqartillugu eqqagassalerisoq assersuutigalugu utaqqiisaasumik aqqutigineqartussanik atuisinnaassuseqartariaqarpoq, eqqagassat allamiit aasinnaasariaqarlugit imaluunniit suliffeqarfimmut aqqummik assaasuni aqutsisumut il.il. ikioqatigiilluni eqqagassat aaneqarnissaannik isumaqatigiissuteqarsinnaasariaqarluni.

Nunaminertani tamanit atorneqartuni biilit allalluunniit inissinneqarsimasut pissutigalugit eqqakkanik aallinngitsuussanngilaq/imaarsinngitsuussanngilaq.

Imaarsisoqarsinnaanngivissoqarneranik eqqagassalerisoq naliliippat aaqqeeqatigiinnissaq siunertaralugu kommune eqqagassalerisup attavigissavaa. Sooq imaarsisoqarsinnaanngivissornerisoq takussutissanngorlugu assimik ilanngussilluni nalunaartoqassaaq.

Kommunep aqquusernani suliaqartoqartillugu sanaartortoqartillugulu Kommune Kulleg eqqagassalerisumut nalunaaruteqartassaaq.

Aqqusinerni suliaqartoqartillugu nalunaarutiginnittoqarsimatinnagu eqqagassalerisoq eqaatsumik suliaqarsinnaasariaqarpoq. Imaarsinissamut akornutaasunik aqquusernit aqqutigineqarsinnaajunnaarsimappata eqqagassalerisoq Kommune Kullermut attaveqassaaq kiisalu imaanngitsuugaq ulloq taanna kingusinnerusukkut imaariatorneqarsinnaasariaqarluni.

2.7 [Eqqagassanik katersinermi ingerlaarfigisassanik pilersaarusioneq](#)

Najukkanut ataasiakkaanut imaarsinissamut maannakkut pilersaarutaasumut paasissutissat Kommune Kujallermiit tunniunneqassapput.

Isumaqatigiissusiornikkut suliarineqartussap aallartinneqarnissaa kingusinnerpaamik ullunik 14-inik sioqqullugu eqqagassalerisussap sapaatit akunnerisa ulluini ataasiakkaani angallavigisalersaakkami titartagartaannik tunniussaqaassaaq. Eqqakkanik katersilluni imaarsinissamik aqqutigineqartartussaqaq titartakkami ersissaaq.

Tamatuma kingorna angallavinnik naleqqussaanerit pitsanngorsaanerillu atuutilersinnatik Kommune Kujallermiit akuerineqaqqaassapput.

Ullut imaarsiviusartut allannguuteqarpata illunut pineqartunut allakkatigut nalunaarfiginninnikkulluunniit eqqagassalerisoq ilisimatitsissaaq. Allannguinnissap atuutilinnginnerani imaarsinissap kingulliup tulliaata nalaani kingusinnerpaamik ilisimatitsissutigineqassaaq.

2.8 [Nalliuttuni katersineq](#)

Nalliuttuni eqqakkanik katersinissamik siunnersuut eqqagassalerisup kingusinnerpaamik 1. oktober Kommune Kujallermiit akuerisassanngorlugu nassiuttassavaa.

Siunnersuuteqartoqareerpat Kommune Kujalleq nittartagakkamigut innuttaasunut ilisimatitsissaaq.

2.9 [Silamik sapernuneq](#)

Silamik sapernusoqartillugu piffissap ilaani silap silaperlunneranik pissuteqartut paasineqassaaq. Ulluni silamik sapernusoqartillugu silap ajornera pissutigalugu eqqakkanik katersineq unitsikkallarneqarsinnaavoq ullormiluunniit taamaatinneqarsinnaalluni. Sumiiffinni nalinginnaasumik ukiuutilugu eqqakkanik katersinissamut akornutaasussatut isigineqassanngilaq. Eqqakkanik katersinerup isumannaatsumik atugassarfiulluni suliarinissaanut, biilit eqqakkanik katersissutit ukiorsiutinik assakaasoqarnissaa sulisullu quaannaveeqqutilinnik kamippaqarnissaat

allanillu isumannaallisaanermik atugassaqartinneqarnissaat eqqagassalerisup isumagissavai.

Eqqakkanik katersinermi matuma kinguliani taaneqartunik atugassaqartitsinissaq eqqagassalerisup qulakkiissavaa:

- Ulluni ataasiakkaani silamik sapernunermi eqqakkanik katersinermi angumerineqarsimannngitsut ullormi eqqakkanik nalinginnaasumik katersinerup aallartinnginnerani katersortassavai. Eqqakkanik katersineq katersinissamik pilersaarummi tulleriiaarinissaq naapertorlugu suliarineqassaaq.
- Ulluni tulleriiginnarni marlunni silamik sapernusoqarsimappat eqqakkanik katersinermi aqqudit ilaanni aqqudiniluunniit tamakkiisumik imaarneqarsimannngitsuni imaarsinissaq ullut tulliuuttut pingasut ingerlanerini imaarneqassapput. Eqqakkanik katersineq katersinissamik pilersaarummi tulleriiaarinissaq naapertorlugu suliarineqassaaq.
- Ulluni tulleriiginnarni pingasuni silamik sapernusoqarsimappat eqqakkanik katersinermi aqqudit ilaanni aqqudiniluunniit tamakkiisumik imaarneqarsimannngitsuni imaarsinissap nalinginnaasumik imaarsinissap tulliuuttup nalaani pinissaa siunertaralugu eqqagassalerisup Kommune Kujalleq isumaqatigiissuteqarfigissavaa.

Eqqakkanik imaarsinerit amerlassusaat nalinginnaasumillu imaarsinermit akit naapertorlugu eqqagassalerisumut akiliisoqassaaq.

Silamik sapernusoqartillugu, assersuutigalugu aputeqarpallaartillugu, quarsarpallaartillugu allatulluunniit pissuteqartoqartillugu eqqagassalerisoq nal. 08.00-p kingorna aatsaat katersuilluni aallartissinnaavoq. Taamalu ililluni eqqakkanik katersilluni aallartinnginnermi aqqusernit tamanit aqqudigineqartartut inuillu aputaajaalereernissaat quasarpallu quarsarpallaarunnaartitsiniaanerup aallartereernissaa eqqagassalerisup qulakkiissavaa. Eqqagassalerisoq nal. 08.00 sioqqullugu katersiniarluni aallartikkaluariarluni katersinissarli ajornartoq paasillugu ulloq taanna imaarneqartussat nal. 08.00 kingorna ulloq taanna imaariartoqqikkaluassavai.

Silamik sapernulluni eqqagassalerisoq katersisinnaanngikkuni Kommune Kujallermut ingerlaannartumik sianerluni ilisimatitsissaaq. Allatut aaqqiisoqarallarsinnaaneramik eqqagassalerisoq siunnersuuteqassaaq.

Eqqagassanik katersinerup unitsinneqannginnerani unitsitsinissaq Kommune Kujallermut isumaqatigiissutigineqaaqqaartassaaq.

Silamik sapernunermi eqqakkanik imaarsisimannnginnermi eqqammat nalinginnaasumiit amerlanerunissaat naatsorsuutigineqassaaq.

2.10 Nalunaaruteqarnermi allagartaq

Eqqakkanik imaarsinngitsoorsimanermi najugaqarfik imaarneqanngitsoortoq allakkanik nakkartitsivimmu eqqagassalerisoq tamatigut nalunaarummik nakkartitsisassaaq.

Nalunaarnermi eqqortoq krydsilerneqassaaq imaluunniit *Alla/Andet* nalunaarummik allaffigineqassaaq.

Imaarneqanngitsoq assitalerlugu Kommune Kujallermut nalunaarutigineqassaaq.

Kommune Kujalleq nalunaaruteqarnissamut allagartanik suliaqassaaq pisariaqarfiisigullu eqqagassalerisoq tunisassallugu.

Sulisut naammattunik immersugassaateqartarnissaa eqqagassalerisup qulakkeertassavaa.

2.11 Maangaannartitsineq

Eqqaavinnik imaarsinermi eqqakkat maangaannartinnagit imaarnissaat eqqagassalerisup qulakkeertassavaa. Eqqakkat maangaannartitat eqqagassalerisup aqcutinik tamanit aqcutigineqartartartuniittut inuillu namminneq aqcutaanniittut eqqagassalerisup katersortassavai, aamma eqqaaviit puui aserorsimanerinit ulikkaarpallaarneqarsimaneriniilluunniit pissuteqaraluarpat.

Maangaannarsimasut eqqagassalerisup katersorsimanngisai eqqagassalerisumut akiligassannngortitassannngorlugit Kommune Kujalliup katersortissinnaavai.

Eqqaaviit ullormi imaarneqartussat tamaasa eqqagassalerisup alakkassallugit pisussaaffigaa.

2.12 Imaarniarlugit puigukkat imaluunniit imaangitsuukkat allallu.

Imaangitsuukkat, imaartakkaniit allaanerusut, kukkunerit allallu eqqagassalerisup Kommune Kujallermut nalunarutigisassavai.

Imaarniarlugit puigukkanut tunngatillugu nalunaarutigineqartut eqqagassalerisup akissuteqarfigisassavai imaangitsoorneqartullu qaqugu imaarneqarnissaat ullulertassallugu.

Imaarniarlugit puigorneqarsimasut pillugit eqqagassalerisumut nal. 12.00 sioqqullugu nalunaarutigineqartut eqqagassalerisup imaartassavai. Nalunaarutiginninneq aatsaat nal. 12.00 kingorna pisimappat aqaguani eqqakkanik katersereernermi nal. 15.00 sioqqullugu imaarneqassaaq.

Iginnitsuukkat iluarsineqassapput nalinginnaasumik imaarsinissaraluamiit nalunaarutigineqarneralu qanoq sivisutigigaluarpalluunniit, tamannalu pissaaq Kommune Kujalleq innuttaasumut allatut isumaqatigiissuteqarsimanngippat, assersuutigalugu tullissaanimut nalinginaasumik imaarsinissap tungaanut innuttaasoq puunik immikkut ittunik allanik ilisaqarsinnaanerani isumaqatiissuteqarfigimangippagu.

2.13 Naammagittaalliornerit

Eqqagassalerisumut taasumalluunniit sulisuanut naammagittaalliutit tamarmik eqqagassalerisumit Kommune Kujallermiillu tiguneqartassapput.

Naammagittaalliutip iluarsineqarnissaa eqqagassalerisup nammineq aqqinniartassavaa piaartumillu iluarsisoqarnissaa isumagalugu. Naammagittaalliutip pisullu qanoq issimanerat eqqagassalerisup naapertuussorinngikkuniuk pisup paasineqarnissaa siunertalugu eqqagassalerisup Kommune Kujalleq ingerlaannertumik attavigissavaa.

Naammagittaalliutaasoq Kommune Kujalliup malinnaavigissavaa uterfigalugulu.

2.14 Atortunik paasissutissiissutinik tunniussuineq

Kommune Kujalleq paasititsiniaatillugu allatulluunniit paasissutissanik nalunaartoqassatillugu, assersuutigalugu eqqagassalerinermi allangortoqassatillugu, eqqagassalerisoq paasissutissanik ukiumut marloriarluni najukkanut tamanut agguaasinnaassaaq.

Paasissutissat agguaassassat quppersagaaranngorlugit imaluunniit A5-itut naqitaaranngorlugit Kommune Kujalliup sularisassavai. Paasissutissat nalinginnaasumik najukkani allakanut nakkartitsivinnut nakkartinneqartassapput.

Paasissutissanik agguaassisoqassamaartillugu eqqagassalerisoq Kommune Kujalliup ilisimatittassavaa. Agguaasoqarnissaa ullunik 14-inik sioqqutsilluni ilisimatitsissutigineqartassaaq, agguaanissarlu ullut 14-it iluani naammassineqareertassaaq.

Agguaanermi najukkami pajutamut ataatsimut eqqagassalerisoq 2 kr.-inik akilerneqartassaaq.

2.15 Eqqakkanik tigooqqaavik

Eqqagassalerineq ulluinnarni tallimani ingerlanneqartassaaq.

Eqqagassanik tigooraavimmut eqqagassanik tunniussineq ataasinngornermiit tallimannngornermut nal. 08.00-ip 16.00-illu akornanni pisinnaavoq.

Eqqagassalerisup eqqagassanik tigooraavimmi utaqqisarsinnaanini akuerissavaa. Utaqqisoqassappat utaqqineq immikkut akilerneqassanngilaq.

Eqqakkanik tigooraavimmi ammasarfiit allannguuteqartarsinnaapput, assersuutigalugu nalliuttuni, 1. maj imaluunniit eqqakkanik tigooraavimmi ajortoortoqartillugu/iluarsaasoqartillugu. Taamatut allannguuteqartoqartarsinnaanera eqqagassalerisup malinnaavigisassavaa ulluinnarnilu ingerlatsinerminik naleqqussaavigalugit.

Eqqakkanik tigooqqaaviup tigooqqaanermi akiliutigigitassai Kommune Kujalliup akilertartussaavai.

3 PERIARFISSAQ 1 – AVATANGIISINUT NAVIANARSINNAASUNIK IGITANUT KARSIT

Eqqakkat avatangiisimut navianaateqarsinnaasut Kommune Kujalliup pitsannngorsaavigiumavaa, taamaattumik eqqakkanut avatangiisinut navianartunut eqqaavissanik kommune peqalersitsiumavoq.

Karsit avatangiisimut navianartunik eqqakkanik imallit imaagassat nalinginnaasumik eqqaaviit eqqaannut ilineqarsimappata eqqagassalerisup katersussavai. Igitassaq avatangiisimut navianartut innuttaasut tunniussinnaavaat, assersuutigalugu kemikalit batteriillu kiisalu elektronikkat mikisuarsuit avatangiisinut navianarsinnaasunut karsinut eqqaavissianut ikillugit.

Karsit avatangiisinut navianarsinnaasunik eqqakkanik imallit najukkami sumi ullorlu suna tiguneqarsimanersut nalunaarsorneqartassaaq.

Igitassanut avatangiisinut navianarsinnaasunik karsit eqqaaviit ulikkaarlugit immerneqarsimasut tiguneqaraangata karsimik imaqqanngitsumik taarserneqartassapput.

Karsit avatangiisinut navianartunut eqqaaviit imaqqanngitsut eqqakkanik tigooqqaavimmi avatangiisinut navianartunut eqqaavittaanut aaneqarsinnaapput.

Karsit 21 liter miss. imaqqortussuseqarput uuttutigalugillu $b \times h \times l = 280 \times 290 \times 370$ mm.

Karsi avatangiisinut navianarsinnaasunik igitanik imalik ullormi eqqakkanik imaarsiviusumi aaneqartassaaq ullormilu allami aaneqartussanngorlugu kinguarsarneqartassanngilaq.

Karsit avatangiisimut navianartunik igitassanik imallit kartersorneqartut amerlassusaat nalunaarsorneqartut naapertorlugit akiliisoqartassaaq.

3.2

Eqqakkanik tigooraavik

Karsit avatangiisinut navianarsinnaasunik eqqaaviit ulluinnarni tallimaasuni nalinginnaasumik eqqakkanik katersinermut ilanngullugit katersorneqartassapput.

Karsit avatangiisinut navianarsinnaasunik eqqaaviit Qaqortumi eqqakkanut navianartunut igitanut tigooraavimmut tunniussineq ataasinngornermiit tallimannngornermut nal. 08.00 - 15.30 pisarpoq.

Eqqagassalerisup eqqagassanik tigooraavimmi utaqqisarsinnaanini akuerissavaa. Utaqqisoqassappat utaqqineq immikkut akilerneqassanngilaq.

Eqqakkanik tigooraavimmi ammasarfiit allannguuteqartarsinnaapput, assersuutigalugu nalliuttuni, inatsisitaarfimmi, 1. maj imaluunniit eqqakkanik tigooraavimmi ajortoortoqartillugu/iluarsaasoqartillugu. Taamatut allannguuteqartoqartarsinnaanera eqqagassalerisup malinnaavigisassavaa ulluinnarnilu ingerlatsinerminik naleqqussaavigalugit.

Eqqakkanik tigooqqaaviup tigooqqaanermi akiliutigigitassai Kommune Kujalliup akilertartussaavai.

3.3

Isumaqtigiissummik atorunnaarsitsineq

Isumaqtigiissut ukiuni tallimangajanni atuuttussaavoq. Nutaatut aqqissuussineq sulisilinneqarsimannngimmat isumaqtigiissutit atuunnerata nalaani atorunnaarsinneqarsinnaanera pisariaqarsinnaavoq.

4

QAQORTUMI ANARTARFINNIK KATERSISARNEQ

Aaqqissuusinermut ilaapput ilaqtariit angerlarsimaffii, inissiat quleriaat, sunngiffimmi illut assingisaallu kiisalu suliffeqarfiit inuussutissarsiorfeqarfiillu anartarfinnik igitsittarnissamik nalunaarnikut.

Inissiat kuuffissuarnut tamanit atorneqartunit attaveqanngitsut imaluunniit anartarfinnik kuutsivissatut akuerisanit ilaanngitsut anartarfimmik imaartinnissaannut aaqqissuusinermut nalunaarsimanissaminnut pisussaaffeqarput.

Anartarfiit puussiartallit imaluunniit anartarfinnut kuutsitanik katersuiviit imaarneqarlutik katersorneqartassapput.

Anartarfinnik imaarsisarneq ukioq naallugu pisassaaq. Sunngiffimmi illut assingisaannilu imaarsisarneq naleqqussaavigineqarluni pisassaaq. Sunngiffimmi illuni assingisaannilu anartarfinnik aallerneq piffissami 1. aprilimii 31. oktoberimi pisassaaq. Nalunaaquttap 6.00 - 18.00 iluani katersineq pisassaaq.

Anartarfiup puussiartaanik katersinermi anartarfilerisup biilnut anartarfiit puussiartaanik katersuissutinut toqqaannartumik assartortassavai. Katersinermi anartarfilerisup puussiaq anartarfissaq nutaaq illumut ilisassavaa. Isumaqatigiissuteqarnikkut anartarfiup puussiartaa anartarfimmi ikkusimasup peerneqarnissaa pisinnaavoq.

Anartarfiit kuutsittakkat katersuiviinik imaarsinermi ilaapput katersuivimmuut biilnik ornigunneq, simianik katatsitsineq, anartarfiup kuutsitap imaanik milluaneq, maangaannartitsisoortoqarsimappat maangaannartitap salinnissaa kiisalu simianik ikkusseqqinneq.

Anartarfiit kuutsittakkat katersuiviinik imaarsinermi atuisut katersiviisa angissusaat, ilusaat, imaqqortussusaat, inissisimanagerat arlaatigullu pineqartarsimanagerat anartarfilerisup paasisisimassavaa.

Anartarfiit taamaallaat katersorneqassapput allanillu katersisoqassanngilaq.

Anartarfilerisup Qaqortumi aqqutit ilisimassavai, tamatumani aqqusernit qanoq ittuunerat, aqqusernit qallersorsimanagerat, aqqutit nerukitsut, aqqusernit kaajallaffissaqaratik isuliffillit allallu kiisalu illoqarfimmi anartarfinnik aallertarnissamut naleqquttunik atortoqarnissani anartarfilerisooq nammineq peqassaaq.

Anartarfinnik katersinermi sulisut biililu anartarfinnik katersissutaasoq ingerlaqatigiissapput najukkallu tulleriarlugit apuuffigisarneri naapertorlugit anartarfinnik imaarsisarneq pisassaaq.

Aqqutissatut biilinillu ingerlaffissatut tamanit aqqutigineqartussat nunaminertallu nammineq pigineqartut eqqaavilerisup aqqutigisassavai.

Sumiiffinni nerukitsuni aqutigiuminaatsunilu anartarfinnik katersinermi anartarfilerisoq eqaatsumik suleriuseqassaaq.

Eqqagassalerisup eqqakkanik imaarsinissamini ungalut matuinik, matorsuarnik, containerit assiaqutaannik, kalunnernik, ikaarfissiatut inissitat assingisaalluunniit aqutiginnittarnissani akuerissavaa.

4.1 [Anartarfiit imaartakkat anartarfinnullu kuutsittakkanut katersuviit](#)

Namineq illuutillit suliffeqarfiillu immikkut kommunip anartarfinnut kuutsittakkanik katersuivissatut akuerisaanni najugaqanngikkunik, namminneq akilikkanik anartarfinnik pissarsinissamut aserfallatsaaliinissamullu pissaaffeqarput.

Anartarfiup puussai kommunimit tunniunneqartut imaluunniit akuerineqartut kisimik atorneqassapput.

2022-mi kvartalit sisamaanni sapaatit akunnerannut anartarfinnik sapaatit akunneranut imaarsinerit 40-nut naatsorsorneqarsimapput.

Sungiffinni illuni assingisaanilu anartarfinnik imaarsinerit amerlassusaat 2018-imi naatsorneqarnikuunngillat.

2022-mi kvartalit sisamaanni sapaatit akunnerannut anartarfinnik kuutsittakkani katersuviit sapaatit akunneranut imaarsinerit arfinilinnut naatsorsorneqarsimapput.

4.2 [Suliap sularinissaa](#)

Eqqagassalerisoq nammineerluni anartarfinnut puussianik pisisassaaq.

Anartarfinnut puussat naleqqutissapput, qaleriinnik ninngusagaassapput uuttuutigissallugillu: 700 x 1200 mm, minnerpaamik issussuseqassallutik 120 my.

Anartarfilerisoq aamma ungerutissianik saviminernik plastikkimik qallikkanik minnerpaamik 120 mm-inik takissusilinnik puunut matusaatinik pisisaaq.

Anartarfinnut puussiat aserortussaajunnaarlugit toqqortarineqarnissaat eqqagassalerisup akisussaaffigaa.

Anartarfinnut puussiat ajoqutillit atorneqannginnissaat anartarfilerisup akisussaaffigaa.

4.3 [Atuutilernissaanut ikaarsaariarik](#)

Kommune Kujalliup kissaatigaa eqqagassalerisoq aallartilluassasoq, taamaamat piffissami isumaqatigiissuteqarfimmi qaammatit siulliit pingasut atuutilersitsivinnermut ikaarsaariarfittut isigineqassapput. Atuulersitsivinnissamut ikaarsaariarik piffissaligaassaaq ull. 30-10-2023-miit 29-01-2024-mut.

Atuutilersitsivinnissamut ikaarsaariarfittut piffissap nalaani eqqagassanik katersisarnermi ingerlaarfissatut pilersarusiortoqassaaq katersinermullu tunngasut allat tamaasa aamma iluarsineqarlutik. Tassunga containereqqat ilanngullugit.

Kinguaattoornermut tunngatillugu aqqissuussineq atuutilersitsivinnissap nalaani atuutitssanngilaq.

Kommune Kujalliup naatsorsuutigaa sulinerup inissilluarnissaanut tunngasut tamaasa aqqinniarlugit eqqagassalerisoq atuutilersitsilivinnissamut ikaarsaariarfimmi ilungersorumaartoq.

4.4 Igitassanik katersuisarnerup avataatigut immikkut imaarneqarneq

Eqqagassalerisoq Kommune Kujallermiit piumaffigineqarsimanermigut immikkut igitsisinnaassaaq. Immikkut imaarneqarnissamik noqqaasoqareerneratigut kingusinnerpaamik aqaguani imaarsisoqartassaaq.

Eqqagassanik katersinermi aqcutigineqartartut avataanni immikkut ittumik imaarsisoqassappat puumut ataatsimut akeqartitsisoqassaaq, tamannalu immikkut imaarsisoqassatillugu neqeroorummi akimik taaneqartumik akeqartinneqassaaq.

4.5 Imaaruminaatsumiittut

Eqqakkanik katersinermi eqqagassalerisoq assaassagaluaruniluunniit imaluunniit aqqusinerni, aqqusineqqani aqcutinilu allani arlaannik suliaqaaqassagaluaruni katersisassaaq.

Taama pisoqartillugu eqqagassalerisoq assersuutigalugu utaqqiisaasumik aqcutigineqartussanik atuisinnaassuseqartariaqarpoq, eqqagassat allamiit aasinnaasariaqarlugit imaluunniit suliffeqarfimmut aqqummik assaasuni aqutsisumut il.il. ikioqatigiilluni eqqagassat aaneqarnissaannik isumaqatigiissuteqarsinnaasariaqarluni.

Nunaminertani tamanut ammasuni biilit allalluunniit inissinneqarsimasut pissutigalugit eqqakkanik aallinngitsuussanngilaq/imaarsinngitsuussanngilaq.

Imaarsisoqarsinnaanngivissoqarneranik eqqagassalerisoq naliliippat aaqqeeqatigiinnissaq siunertaralugu kommune eqqagassalerisup attavigissavaa. Soq imaarsisoqarsinnaanngivissornerisoq takussutissanngorlugu assimik ilanngussilluni nalunaartoqassaaq.

Kommunep aqqusernani suliaqartoqartillugu sanaartortoqartillugulu Kommune Kujalleq eqqagassalerisumut nalunaaruteqartassaaq.

Aqqusinerni suliaqartoqartillugu nalunaarutiginnittoqarsimatinnagu eqqagassalerisoq eqaatsumik suliaqarsinnaasariaqarpoq. Imaarsinissamut akornutaasunik aqqusernit aqcutigineqarsinnaajunnaarsimappata eqqagassalerisoq Kommune Kujallermut attaveqassaaq kiisalu imaanngitsuugaq ulloq taanna kingusinnerusukkut imaariartorneqarsinnaasariaqarluni.

4.6 Eqqagassanik katersinermi ingerlaarfigisassanik pilersaarusioneq

Najukkanut ataasiakkaanut imaarsinissamut maannakut pilersaarutaasumut paasissutissat Kommune Kujallermiit tunniunneqassapput.

Isumaqatigiissusiornikkut suliarineqartussap aallartinneqarnissaa kingusinnerpaamik ullunik 14-inik sioqqullugu eqqagassalerisussap sapaatit akunnerisa ulluini ataasiakkaani

angallavigisalersaakkami titartagartaannik tunniussaqaassaaq. Eqqakkanik katersilluni imaarsinissamik aqputigineqartartussaqaq titartakkami ersissaaq.

Tamatuma kingorna angallavinnik naleqqussaanerit pitsanngorsaanerillu atuutilersinnatik Kommune Kujallermit akuerineqaqqaassapput.

Ullut imaarsiviusartut allannguuteqarpata illunut pineqartunut allakkatigut nalunaarfiginninnikkulluunniit eqqagassalerisoq ilisimatitsissaaq. Allannguinnissap atuutilinnginnerani imaarsinissap kingulliup tulliaata nalaani kingusinnerpaamik ilisimatitsissutigineqassaaq.

4.7 Nalliuttuni katersineq

Nalliuttuni eqqakkanik katersinissamik siunnersuut eqqagassalerisup kingusinnerpaamik 1. oktober Kommune Kujallermit akuerisassanngorlugu nassiuttassavaa. Siunnersuuteqartoqareerpat Kommune Kujalleq kommunip nittartagaatigut innuttaasunut ilisimatitsissaaq.

4.8 Sila

Silamik sapernusoqartillugu piffissap ilaani silap silaperlunneranik pissuteqartutut paasineqassaaq. Ulluni silamik sapernusoqartillugu silap ajornera pissutigalugu eqqakkanik katersineq unitsikkallarneqarsinnaavoq ullormiluunniit taamaatinneqarsinnaalluni. Sumiiffinni nalinginnaasumik ukiuutilugu eqqakkanik katersinissamut akornutaasussatut isigineqassanngilaq. Eqqakkanik katersinerup isumannaatsumik atugassarfiulluni suliarinissaanut, biilit eqqakkanik katersissutit ukiorsiutininik assakaasoqarnissaat sulisullu quaannaveeqqutilinnik kamippaqarnissaat allanillu isumannaallisaaqarnemik atugassaqartinneqarnissaat eqqagassalerisup isumagissavai.

Eqqakkanik katersinermi matuma kinguliani taaneqartunik atugassaqartitsinissaaq anartarfilerisup qulakkiissavaa:

- Ulluni ataasiakkaani silamik sapernunermi eqqakkanik katersinermi angumerineqarsimanngitsut ullormi eqqakkanik nalinginnaasumik katersinerup aallartinnginnerani katersortassavai. Eqqakkanik katersineq katersinissamik pilersaarummi tulleriiaarinissaaq naapertorlugu suliarineqassaaq.
- Ulluni tulleriiginnarni marlunni silamik sapernusoqarsimappat eqqakkanik katersinermi aqputit ilaanni aqputiniluunniit tamakkiisumik imaarneqarsimanngitsuni imaarsinissaaq ullut tulliuuttut pingasut ingerlanerini imaarneqassapput. Eqqakkanik katersineq katersinissamik pilersaarummi tulleriiaarinissaaq naapertorlugu suliarineqassaaq.
- Ulluni tulleriiginnarni pingasuni silamik sapernusoqarsimappat eqqakkanik katersinermi aqputit ilaanni aqputiniluunniit tamakkiisumik imaarneqarsimanngitsuni imaarsinissap nalinginnaasumik imaarsinissap tulliuuttup nalaani pinissaa siunertaralugu eqqagassalerisup Kommune Kujalleq isumaqatigiissuteqarfigissavaa.

Eqqakkanik imaarsinerit amerlassusaat nalinginnaasumillu imaarsinermi akit naapertorlugu eqqagassalerisumut akiliisoqassaaq.

Silamik sapernusoqartillugu, assersuutigalugu aputeqarpallaartillugu, quasarpallaartillugu allatulluunniit pissuteqartoqartillugu eqqagassalerisoq nal. 08.00-p kingorna aatsaat katersuilluni aallartissinnaavoq. Taamalu ililluni eqqakkanik katersilluni aallartinninnermi aqqusernit tamanit aqutigineqartartut inuillu aputaajaalereernissaat quasarpallu quasarpallaarunnaartitsiniaanerup aallartereernissaa eqqagassalerisup qulakkiissavaa. Eqqagassalerisoq nal. 08.00 sioqqullugu katersiniarluni aallartikkaluariarluni katersinissarli ajornartoq paasillugu ulloq taanna imaarneqartussat nal. 08.00 kingorna ulloq taanna imaariartoqqikkaluassavai.

Silamik sapernulluni eqqagassalerisoq katersisinnaangikkuni Kommune Kujallermut ingerlaannartumik sianerluni ilisimatitsissaaq. Allatut aaqqiisoqarallarsinnaaneramik eqqagassalerisoq siunnersuuteqassaaq.

Eqqagassanik katersinerup unitsinneqannginnerani unitsitsinissaaq Kommune Kujallermut isumaqatigiissutigineqaqqaartassaaq.

Silamik sapernunermi eqqakkanik imaarsisimannginnermi eqqakkat nalinginnaasumiit amerlanerunissaat naatsorsuutigineqassaaq.

4.9 Nalunaaruteqarnermi allagartaq

Eqqakkanik imaarsinngitsoorsimanermi najugaqarfik imaarneqanngitsoortoq allakkanik nakkartitsivimmu eqqagassalerisoq tamatigut nalunaarummik nakkartitsisassaaq.

Nalunaarnermi eqqortoq krydsilerneqassaaq imaluunniit *Alla/Andet* nalunaarummik allaffigineqassaaq.

Imaarneqanngitsoq assitalerlugu Kommune Kujallermut nalunaarutigineqassaaq.

Kommune Kujalleq nalunaaruteqarnissamut allagartanik suliaqassaaq pisariaqarfiisigullu eqqagassalerisoq tunisassallugu.

Sulisut naammattunik immersugassaateqartarnissaa eqqagassalerisup qulakkeertassavaa.

4.10 Maangaannartitsineq

Anartarfiit puussiartaannik katersinermi maangaannartitsinani suliarineqarnissaa anartarfilerisup qulakkiissavaa. Anartarfinniit maangaannartitat anartarfilerisup aqquutinik tamanit aqutigineqartartartuniittut inuillu namminneq aqquataanniittut eqqagassalerisup katersortassavai.

Maangaannarsimasut eqqagassalerisup katersorsimanngisai eqqassalerisumut akiligassanngortitassanngorlugit Kommune Kujalliup katersortissinnaavai.

Anartarfilerinermi imaartitarnissamik aqqissuussinermut nalunaarsimasut ullormi imaarsiviusussami tamarmik imaarneqarsimanissaat anartarfilerisup nakkutigissallugu pisussaaffigaa.

4.11 Imaarniarlugit puigukkat imaluunniit imaangitsuukkat allallu

Imaangitsuukkat, imaartakkaniit allaanerusut, kukkunerit allallu eqqagassalerisup Kommune Kujallermut nalunarutigisassavai.

Imaarniarlugit puigukkanut tunngatillugu nalunaarutigineqartut eqqagassalerisup akissuteqarfigisassavai imaangitsoorneqartullu qaqugu imaarneqarnissaat ullulertassallugu.

Imaarniarlugit puigorneqarsimasut pillugit eqqagassalerisumut nal. 12.00 sioqqullugu nalunaarutigineqartut eqqagassalerisup imaartassavai. Nalunaarutiginnineq aatsaat nal. 12.00 kingorna pisimappat aqaguani eqqakkanik katersereermermi nal. 15.00 sioqqullugu imaarneqassaaq.

Iginnitsuukat iluarsineqassapput nalinginnaasumik imaarsinissaraluamiit nalunaarutigineqarneralu qanoq sivisutigigaluarpuunniit

4.12 Anartarfiit imaasa aniatinneqartarneri

Anartarfiit imaannik aniatitsineq sapinngisamik pisortat kuuffiutaasigut pissaaq. Anartarfiit puussiaat imaakkat kingorna eqqakkanut ikuallaavimmi ikuallanneqassapput.

Anartarfiit imaat sapaatit akunnerisa naanerini nalliuttunilu qamutini motoorilinniitiinnarneqartassanngillat, aamma tipiliorlutik allatulluunniit ajoqutaaffigisinnaasaminni unnuisinneqartassanatik.

Anartarfiit imaannik kueraanerit suulluunniit Kommune Kujallermit akuerineqaaqassapput.

4.13 Naammagittaalliornerit

Anartarfilerisumut taasumalluunniit sulisuanut naammagittaallitit tamarmik anartarfilerisumi Kommune Kujallermiillu tiguneqartassapput.

Naammagittaallitit iluarsineqarnissaa anartarfilerisup nammineq aaqinniattassavaa piaartumillu iluarsisoqarnissaa isumagalugu. Naammagittaallitit pisullu qanoq issimanerat eqqagassalerisup naapertuussorinngikkuniuk pisup paasineqarnissaa siunertalugu eqqagassalerisup Kommune Kujalleq ingerlaannertumik attavigissavaa.

Naammagittaallititaasoq Kommune Kujalliup malinnaavigissavaa uterfigalugulu.

4.14 Eqqakkanik tigooqqaavik

Anartarfilerisarneq ulluinnarni tallimani ingerlanneqartassaaq.

Qaqortumi anartarfinnik tigooraavimmut eqqagassanik tunniussineq ataasinngornermiit tallimanngornermut nal. 08:00-ip 16:00-illu akornanni pisinnaavoq.

Eqqagassalerisup eqqagassanik tigooraavimmi utaqqisarsinnaanini akuerissavaa. Utaqqisoqassappat utaqqineq immikkut akilerneqassanngilaq.

Eqqakkanik tigooraavimmi ammasarfiit allannguuteqartarsinnaapput, assersuutigalugu nalliuttuni, inatsisitaarfimmi, 1. maj imaluunniit eqqakkanik tigooraavimmi ajortoortoqartillugu/iluarsaasoqartillugu. Taamatut allannguuteqartoqartarsinnaanera eqqagassalerisup malinnaavigisassavaa ulluinnarnilu ingerlatsinerminik naleqqussaavigalugit.

Eqqakkanik tigooqqaaviup tigooqqaanermini akiliutigigitassai Kommune Kujalliup akilertartussaavai.

5 BIILIT KATERSISSUTIT

Anartartarfilerisup katersinissaminut atugassani pisariaqartinneqartut qaqugukkulluunniit atorsinnaassavai.

Aqquitigut nerukittutigut illuutinullu aqquitigulluunniit tikikkuminaatsutigut anartarfilerinermi aallersinnaanermi anartarfilerisup biileqarnissani akisussaaffigaa. Aqquitini aamma kaajallaffissaqanngitsuni.

Aqqusinerni ujaraaqqanik qallersimasuni imaluunniit aqquitini allani aqqusinniugaanngitsutigut ingerlalluni aallissagaanni arriitsumik, pujoralatserivuaallaanngitsumik maanaannakkullu ingerlaneq sapinngisamik annikinnerpaatinneqassaaq.

Biilit katersilluni atorneqartartartup tipeqarnera allatulluunniit ajoqutaanera paasineqarpat biilit katersissutit assanneqarnissaat Kommune Kujalliup piumasarisinnaavaa.

Qamutit motorillit suliami atorneqartussat suliamut illoqarfimmi tulluartaunissaat taamalu illoqarfimmi naleqquttumik angalasinnaanissaat eqqagassalerisup qaqugukkulluunniit akisussaaffigaa.

Qamutit assakaasullit tamarmik oqarasuaammik angallattakkamik allatulluunniit assingusumik attaveqatigiinnermut atorneqarsinnaasunik peqartinneqarnissaat eqqagassalerisup qulakkiissavaa, taama ililluni sulisut attavigineqarsinnaajuaannaqqullugit iginngitsuukkallu kommunimiit nalunaarutigineqarsinnaaqqullugit.

Kalaallit Nunaanni usit navianartut tamarmik *Namminersornerullutik Oqartussat ikuallajasut pillugit nalunaarutaat nr. 9, 6. marts 1987-imeersumi* piunasaqaatit eqquutsinneqassapput.

5.1 Biilit sillimmataasut

Katersinermi biilit atorneqartartut iluarsaanneqariataarnissaannut allatulluunniit atorsinnaajunnaariartaarnissaannut naammattunik atortulersugaasunik sillimmatissamik peqarnissaq eqqagassalerisup akisussaaffigaa.

Eqqagassalerisup nalunaaquttap akunneri marlunnit sivilisinerusumik katersisinnaannginninni eqqagassalerisup naatsorsuutigiguniuk tamanna Kommune Kujallermut nalunaarutigissavaa. Biilit sillimmataasut qaqugukkut atulernissaat qaqugulu eqqagassalerinerup nalinginnaasumik ingerlalerumaarnissaa eqqagassalerisup aamma nalunaarutigissavaa.

Ullormi eqqakkanik katersisinnaajunnaarfimmi allatulluunniit peqquteqarluni katersisoqarsinnaatinnagu kingusinnerpaamik aqaguani biili sillimmataasoq atorneqalissaaq.

Biilit sillimmataasut nalinginnaasumik katersinermi biilnut piumasaqaatit nalinginnaasut assignik piumasaqaatitaqassapput.

6 SULISUT SULEQATIGIINNERLU

Eqqagassanik katersinermi eqqagassalerisoq sulisuilu Kommune Kujalleq sinnerlugu avammut kiinnertuupput. Taamaattumik eqqagassalerisoq sulisuilu atuisunik/innuttaasunik naapitsinermini eqqortumik pissusilersussapput, inussiarnisaarlutik sullissiumassuseqarlutillu kiisalu aqcutini tamanit atorpeqartuni namminerlu aqcutaatigineqartuni nunaminertanilu biilerneq iluamik ingerlanneqassaaq pissutsinullu naapertuuttumik ingerlasoqassalluni.

Sulisut sulisorineqartut kalaallisut aamma/imaluunniit qallunaatut paasisinnaassapput.

Biilinili tamani sulisoq ikinnerpaamik ataaseq kalaallisut aamma/imaluunniit qallunaatut atuarsinnaallunilu allassinnaasariaqarpoq.

Ukiuunerani sulisut quaannaveeqqutilinnik skoqartassapput/kamippaqartassapput. Eqqaavilerisup sulisuisa oqarasuaat angallattagaq sulinerup nalaani ikumatittassavaat, taamalu ililluni sulisut eqqagassalerisup attavigisinnaajuannassallugit.

Sulisut immikkut akiliutinik imaluunniit akissarsiassaqartitsissutinik imaluunniit najukkani immikkut katersinissamik isumaqatigiissuteqarnikkut eqqagassalerisoq akiliutinik tigusaqartassanngilaq. Sulisut eqqakkanik atorunnaakkatut igitanik tigooqqaasassanngillat. Piumasaqaatinik tamakkuninnga sulisut eqquutsitsinngitsut paasineqarpata eqqagassalerisup sulisoq aallamik taarsisaallugu pisussaaffeqarpoq.

Eqqagassalerisup sulisuinik pissusissamisoortumik naammagittaalliortoqarpat imaluunniit sulisut suliaminnik ingerlatsinissannut piumasaqaatinik eqquutsitsinngitsoqartillugu nakkutilliinikkut paasineqarpat pineqartup eqqagassalerinermit peerneqarnissaa Kommune Kujalliup piumasarisinnaavaa.

Ingerlatsinermi inatsit allannguutaalu naapertorlugit sulisut suliaminnik suliaqartillutik atorfininnerminniluunniit atatillugu inummut allamut tunngasunik paasisaminik nipangiussisussaataaffectarpoq. Pisussaaffiup tamatuma sulisunut paasisutissiissutiginnissaa eqqagassaleriup pisussaaffigaa. Eqqagassalerinermik isumaqatigiissutip atorunnaarnerani imaluunniit sulisup suliuunnaarnerani nipangiussisussaataaneq atorunnaassanngilaq.

Sulisut suliamik suliaqartussat aalajangersimasumik atorfeqartinneqarlutik nalinginnaasumik sulisassapput. Suliassamik aalajangersimasumik suliaqarnissami suliffimmik misiliisut, paarlatsit suligallartullu aalajangersimasumik atorfeqartinneqartutut ilaatinneqassanngillat.

Eqqagassalerinerup aallartinneqannginnerani sulinermi aaqqissuussaaneq, sulisut suliassaasa suunerat, akisussaaffiat piginnaatitaanerallu eqqagassalerisup nassiutissavai, taamalu ililluni tamakku Kommune Kujalliup ilisimaniassammagit.

Isumaqatigiissutip atuunnerata nalaani aaqqissuussaaneermik eqqagassalerisq naleqqussaasariaqalissaguni tamanna Kommune Kujallermut nalunaarutigissavaa kingusinnerpaamillu sapaatip akunnerata qaangiunnerani nalunaarsugaq nassiutissallugu.

6.1 Suliffimmi avatangiisit isumannaallisaanerlu

Sullivimmi avatangiisit pillugit malittarisassat tamarmik, aammalu suliaq aallartitsinnagu akuersissutit pisariaqartut tamaasa pissarsiarineqarsimanissaat eqqagassalerisup akisussaaffigaa.

Pissutsit atuuttut naapertorlugit sulisut sulinermik sukkassusiannik naleqqussaasinnaangorlugit sulinerup pilersaarusionerqarnissaa eqqagassalerisup isumagissavaa. Aamma inuit illersuutunik teknikkikkullu atortunik atugassiissutigineqartunik atuisarnissaat ilitsersuinikkut misissuisarnikkullu eqqagassalerisup qularnaassavaa.

Suliffimmi isumannaallisaaneermi aalajangersakkat malinneqaqqullugit eqqagassalerisq pisariaqartunik iliuseqassaaq.

6.2 Sulisunik ilitsersuineq

Suliap ulloq 30. oktober 2023 aallartinnginnerani sulisut suliassaannik ilitsersorneqareersimassapput ilitsersuinerlu ingerlanneqartuassaaq.

Sulisut minnerpaamik makkunani ilitsersorneqarsimassapput:

- Eqqakkanik katersinermi pinngitsoorani naammassisassani piumasaqaatinilu, pingaartumik innuttaasunik attaveqarluarnissami avatangiisillu eqqarsaatigalugit biiliniq iluamik ingerlanissaq
- Imaangitsuuinermi, naammagittaalliortoqarnerani suliarinngitsuukkanilu allani
- Pappiaqqanik nalunaarnissamut atuinissamik
- Eqqakkanik katersuivimmut tunniussinermi
- Sullivimmi avatangiisinut tunngasuni
- Nipangiussisimasussaataaneq

Sulisut nutaat katersinermik suliaqalinnginnerini suliarinnittussaaneerullu nalaani sulilersut sulinngiffeqartoqarneranilu paarlattaasut ilitsersoqqaarneqartassapput.

Sulisup nutaap ilitsersorneqarsimanera Kommune Kujalliup qaqugukkulluunniit uppernarsaqusinnaavaa.

6.3 Katersinerup nalaani aqutsisoq inuillu pingaarutilimmik inissisimasut

Eqqagassalerisq ulluinnarni katersinermi aqutsisuusussamik katersinerup nalaani aqutsisuutitaqartassaaq, taannalu Kommune Kujallermut attaveqaataasassaaq.

Katersinerup nalaani aqutsisup attaviginissaanut paasissutissat akisussaaffiini pisinnaatinaanerisalu suunerinik katersisarnerup aallartinnginnerani Kommune Kujallermut paasissutissiissutigineqariissapput.

Katersinerup nalaani aqutsisoq piffissami 8.00 - 16.00 oqarasuaatikkut angallattakkakkut mailikkullu attavigineqarsinnaassaaq aggersarneqarnerminilu nalunaaquttap ataatsip iluani Qaqortumi sumiiffiit arlaannut ornigussinnaassalluni.

Katersinerup nalaani aqutsisup peqanngiffiini sulinngiffeqarneriniluunniit allatulluunniit peqanngiffiini kina paarlattaanersoq qanorlu sivistigisumik paarlattaaniarnersoq eqqagassalerisup Kommune Kujallermut ilisimatitsissutigisassavaa.

Suliassat eqqagassalerisup pisussaaffittut suliassaanut tunngatillugu katersinerup nalaani aqutsisoq taassumallu sinniisissaa isumaqatiginninniarsinnaatinneqassaaq isumaqatigiissusiorsinnaatinneqarlunilu. Suliassap ingerlannissaanut inuit allat akisussaaffeqartinneqarlutik pingaarutilimmik inissisimasut eqqagassalerisup Kommune Kujallermut ilisimatitsissutigisassavai.

6.4 Aallarnisaataasumik ataatsimiinneq

Katersisarnissap aallartinneqannginnerani katersinerup nalaani aqutsisussaq immaqalu sulisut Kommune Kujallermi aallarnisaataasumi ataatsimiinnermi peqataassapput.

Aallarnisaataasumik ataatsimiinnermi oqaluuserineqarsinnaapput:

Suliassamut tunngatillugu, innuttaasunut attaveqarnermi, pissusilersornermi kiffartuussinermilu Kommune Kujalliup kissaatai

Eqqaavinnik imaarsinermut atatillugu pinngitsoorani naammassisassat piumasaqaatilu Sullivimmi avatangiisinut tunngasut, isumannaallisaaneq akisussaaffeqarnerlu

Pitsaassutsimik qularnaarinninneq, nakkutilliineq malinnaanerlu Igitanik tigoqqaavimmi pissutsit immikkut ittut

6.5 Sulisunik ataatsimeeqateqartarneq

Katersinerup qanoq pitsaanerpaamik ingerlanneqarnissaa immaqalu ajornarsiutinut allanullu tunngasuni eqqagassalerisup katersinerup nalaani aqutsisorisaa sulisullu pisariaqarfiisigut Kommune Kujallermi ataatsimeeqataasassapput.

6.6 Nammineq nakkutilliineq nakkutiginninnerlu

Eqqagassalerisup qaammatikkaartumik nammineerluni nakkutillinissaa nakkutiginninnissaalu Kommune Kujalliup naatsorsuutigaa kiisalu Kommune Kujalleq taama ilioqqusineratigut suliarassassagai.

Eqqagassalerisup suliaanik pilersaarutaasumik aammali takkutiinnarluni ingerlatsinermik nakkutilliinissamik Kommune Kujalleq pisinnaatitaaffeqarpoq.

Nakkutilliinermi sullissinerup qanoq suliarinissaanik nassuiarneqartup kiisalu suliarineqarsimasut naapertuutinningsut paasineqarpat nammassinningsuunerimi akiliisitsinissami aalajangersakkat naapertorlugit akiliisitsisoqarsinnaavoq.

Tamatumani pilersaarutaasumik ataatsimoorluni nakkutilliisoqarsinnaavoq tamatumani eqqagassalerisoq Kommune Kujallerlu ataatsimoorlutik nakkutilliartussallutik.

Nakkutilliinermi peqataaneq immikkut akiligassaliarineqassanngilaq katersinermili katersamut ataatsimut akiusumut ilaariissalluni.

7 NAAMMASSINNGITSUUINERMI AKILIISITSINEQ

Kommune Kujalliup paasillaarsinnaavaa ilaanneeriarluni annikitsunnguanik anitassanik puigugaqartoqarsinnaasarmat, kukkunerilli uteqattaartut Kommune Kujalliup akuerinngilai aammalu kukkunerujunnartunik eqqagassalerisup iluarsinngitsoortarnissaa akuerinagu.

Atuutilersitsivinnissamut ikaarsaariarfik piffissaliussaq naareerpat naammassinngitsuuinerimi akiliisitsisarneq atuutilissaaq, tassalu ulloq 29. januar 2024-miit.

Piffissanik sulisunut taartaasunik atuiffiusut, soorlu sulinngiffeqartoqarnerani napparsimasoqarneraniluunniit, naammassinngitsuukkanik akiliisitsisarnermi kukkunernik nalunaarsuisarnermik allangortitsissanngillat.

Kommune Kujalleq qaammatikkaarlugit naammassinngitsuukkanik akiligassanngortussanik nalunaarsuisassaaq qaammallu naasimalerpat aqqitassat amerlassusiinik eqqagassalerisumut ilisimatitsissalluni.

7.1 Naammassinngitsuukkanut akiligassanngortunut takussutissiaq

Naammassinngitsuukkanik akiliisitsisarnermi takuneqarsinnaassapput eqqagassanik katersuinerimi namminerimi kukkunerit, ilaatigullu kukkunerit aqqissugaanermik allaffissornermilluunniit pissuteqartut.

Kommunip peqqusigaluartoq kukkunernik eqqagassalerisup aqqinngitsuugaanik eqqagassalerisup akiligassaanik aammalu aningaasartuutiit tunngavigalugit Kommune Kujalleq kukkunernik aqqiinissamut pisinnaatinneqarpoq.

Kingorna qaammammi tulluuttumi ullut 14-it iluini naammassinngitsuuinerimi akiliisitsisarneq Kommune Kujalliup atorunnaarsillugulu atuuttunngortissinnaavaa. Naammassinngitsuukkanut akiliisitsisarneq piffissaaq ikaarsaariarfiusoq naappat, tassa ullormiit 29. januar 2024-miit, atuutilissaaq.

Kukkunerit akiliisitsissutaasussaasut	Akiliisitsissut ataaseq 15 kr. .	amerlanerpaamik Kr.
Suliaqartussaataanerup nalaani imaarneqarsimangitsut, tassunga ilaallutik immikkut imaartinniartut imaarniarlugillu puigukkat kiisalu aqutissatut pilersaarutigineqartoq naapertorlugu	500,-	qaammammut 2.000,- kr.
Eqqaavik nassuiarneqarsimasutut imaagassaq qimaannarneqassanngitsoq	500,-	qaammammut 2.000,- kr.
Nalunaaruteqarnermi allaffissat nalunaarsuinissarlu nassuiarneqarsimasutut atorneqarsimangippata	500,-	qaammammut 2.000,- kr.
Nalliuttut silaluunniit pissutigalugit illumi imagassat nassuiarneqarsimasutut imaarneqarsimangippata	500,-	qaammammut 2.000,- kr.
Imaarsisinnaaneq ajornartillugu ingerlaannartumik nalunaaruteqarsimanginnermi, assersuutigalugu aqqusinernik suliaqarneq, biilit inissinneqarsimasut, aputaajaasoqarsimanginera allatullu pissuteqartumik	500,-	qaammammut 2.000,- kr.
Saaffiginnissutip nassiunneqarneraniit nalunaaquttap akunnerisa marluk iluini akissuteqannginnermi	500,-	qaammammut 2.000,- kr.

8 AKILIINEQ NALEQQUSSAANERLU

Suliap naammassillugu suliarieneqarsimasup akilerneqarnissaa pissaaq Kommune Kujallermut akiligassamik nassiussinikkut. Akiligassamik nassiussinermi sullissinerup suunera piffissarlu suna pineqarnerisooq akiligassami ersissapput.

Katersinermik suliaq naammassillugu suliarieneqarsimasooq qaammammut kingumoortumik akilerneqartassaaq. Akiligassamiissapput qaammammi pineqartumi anitsinermi ataatsimi aki anitsinerillu nalunaarsorneqarsimasut amerlassusaat.

Eqqaavilerineq

Eqqakkanik qaammammi katersanut akiligassaq qaammatip tulliani kingusinnerpaamik qulingani Kommune Kujallermut nassiunneqassaaq. Akiligassaq imatut ilisarnaateqassaaq: **Eqqakkanik katersineq, Qaqortoq**

Anartarfilerineq

Anartarfinnik qaammammi katersanut akiligassaq qaammatip tulliani kingusinnerpaamik qulingani Kommune Kujallermut nassiunneqassaaq. Akiligassaq imatut ilisarnaateqassaaq: **Anartarfinnik katersineq, Qaqortoq**

Akiligassat eqqortumik nalunaarsukkat akiligassap tiguneraniit ullut 30-t iluini akilerneqartarnissaa piumasaqaataavoq, tamatumani nalinginnaasumik katersinermut aamma naammassinngitsuinermi akiligassat pineqarput.

Anitsinermi ataatsimi eqqagassalerisup Isumaqtigiissut naapertorlugu pisussaaffiut, aningaasarsiassanut toqqaannartumik toqqaannanngitsumillu aningaasartuutaanut, allaffissornermi aningaasartuutitut, sillimmasiisimanernut tamanut, akileraarutitut, akitsuutitut, gebyrinut kiisalu aningaasalersuinermi ingerlatsinermilu aningaasartuutitut matussutissatut atorneqassapput. Isumaqtigiissummut matumunnga atatillugu eqqagassalerisup pisussaaffigisai imaarsinermi ataatsimi akiusumit matussuserneqartutut naatsorsuutigineqarput, tamatumani pisussaaffik katersinermut sullississutissanulluunniit allanut tunngagaluarpata.

Paasisutissanik agguaassinermi akiligassaq eqqaavinnik katersinermut akiligassaliornertut akiligassiarineqassaaq.

8.1 [Naammassinngitsuukkanik akiliisitsisarneq](#)

Naammassinngitsuukkanik akiliisitsisarneq qaammatikkaartumik naatsorsorneqartassaaq akilerneqartarlunilu.

Naammassinngitsuukkanik akiliisitsisarnerup annertussusissaa Kommune Kujalliup qaammatit tamaasa naatsorsortassavaa piffissallu pineqartup qaangiunnerani kingusinnerpaamik qaammatip tallimaani eqqagassalerisumut nalunaarutigisassallugu. Tamatumani atuulersitsivinnissamut ikaarsaariarfik piffissaliussaq pineqanngilaq.

Tamatuma kingorna akilikkanik utertitsinermut/kreditnotamik piffissap pineqartup kingorna kingusinnerpaamik qaammammi tullermi qulingani eqqagassalerisooq nassiussissaaq.

Eqqaavilerineq

Eqqagassalerinermi naammassinngitsuukkanik akiliisitsisimanermit akilikkanik utertitsinermi/kreditnotami imatut ilisarnaateqartinneqassapput: **Eqqagassalerinermi naammassinngitsuukkanik akiliisitsisarneq, Qaqortoq**

Anartarfilerineq

Anartarfilerinermi naammassinngitsuukkanik akiliisitsisimanermit akilikkanik utertitsinermi/kreditnotami imatut ilisarnaateqartinneqassapput: **Anartarfilerinermi naammassinngitsuukkanik akiliisitsisarneq, Qaqortoq**

8.2 Akinik naleqqussaaneq

Eqqakkanik katersinermi katersap ataatsip akia kisimi naleqqussarneqartassaaq, naammassinngitsuuinermilu akiliisitsinermi ataatsip akia allannguuteqartinneqassanngilaq.

Sulineq qaammatini 12-ini aalajangersimasumik akilerlugu piffissaqartillugulu ingerlanneqassaaq, tamatumalu kingorna neqeroorutip aningaasartai Nunatsinni Naatsorsueqqissaartarfiup akinut iluarsisutai naapertorlugit iluarsineqassallutik.

Imaarsinermit ataatsimut akimik naleqqussaanermit ukiumi pineqartumi atuuffissaani eqqagassalerisup kingusinnerpaamik 10. januar Kommune Kujallermut ilisimatitsissutigisimassavaa. Ilisimatitsissummi ilaassapput imaarsinermit ataatsimi aki kiisalu imaarsinermit ataatsimi akiusussap naatsorsornerani qaammatit naatsorsuinermit pineqartut. Siullermeerluni naleqqussaaneq pissaaq 10. januar 2025.

9 ISUMAQATIGIISUMMUT TUNNGASUT

9.1 Qularnaveeqqusiineq

Isumaquatigiissummi neqeroorutip ukiumut akissaata 10 %-ia eqqagassalerisup qularnaveeqqusersimassavaa, qularnaveeqqusiinerlu isumaquatigiissuteqarnerup nalaani piffissaq tamaat atuutissaaq.

Eqqagassalerisup isumaquatigiissut naapertorlugu pisussaaffiit qularnaveeqqusiinissamik eqqagassalerisooq aningaaserivikkut imaluunniit aningaaserivittut akuerisatigut allatigulluunnit qularnaveeqqusiisarnermik suliffeqarfitsigut qularnaveeqqusiisimassaaq.

Isumaquatigiissutip atuutsilereerneranit kingusinnerpaamik ullut arfineq-pingasut iluini qularnaveeqqusiineq suliarineqassaaq ullormiillu 01. december 2023-miit atuutilissalluni.

Kommune Kujalliup qularnaveeqqusiisimanerup atorineqarnissaa piumasarippagu tamanna allakkatigut pissaaq kiisalu eqqagassalerisumut qularnaveeqqusiisumullu ataatsikkut nassiunneqassalluni, piumasaqarnermit qularnaveeqqusiinermik atueqqusinerup sunik imaqarnera kiisalu sumiginnaanerup suunera nassuiarneqassapput piumasaqaateqarnerullu aningaasartaasa amerlassusaat aamma nalunaarneqassalluni. Aningaasat Kommune Kujalliup akileqqusai qularnaveeqqusiisup ullut qulit iluini akilissallugit pisussaaffigaa.

Qularnaveeqqusiinermit aningaasartuutit tamaasa eqqagassalerisup akilissavai.

Atorunnaarsitsineq

Isumaqatigiissutip atorunnaarneraniit kingusinnerpaamik ullut 60-it iluini qularnaveeqqusiineq atorunnaarsinneqassaaq. Tamanna pissaaq qularnaveeqqusiineq naapertorlugu piumasaqaateqarsinnaaneq Kommune Kujalliup qularnaveeqqusiisumut piumasaqaateqassalluni nalunaarutigisimanngippagu.

Taama ililluni isumaqatigiissutip atorunnaareerneraniit qularnaveeqqusiisimaneq atorneqarsinnaavoq.

9.2 **Inummut allamut sillimmasiineq akisussaaffeqarnerlu**

Eqqagassalerisoq Kommune Kujallermut taarsiissuteqarnissaminik akisussaaffeqarpoq. Suliap suliarinerata nalaani eqqagassalerisup sulisuisa inuup allap piinik illuummiluunniit ajoqusigai taarsissallugit eqqagassalerisup akisussaaffigaa, tamatumanilu suliakkiisimasoq sutigut tamatigut akisussaattissanagu.

Eqqagassalerisup sulisuisa ajoqusigaat eqqagassalerup toqqaannartumik qanorluunniillu tamaasa akisussaaffigai. Ajoquusiisoqarsimastillugu naammagittaalliutit tamaasa eqqagassalerisup isumagisassavai.

Kalaallit Nunaanni inatsilerinermi inatsisit nalinginnaasut tunngavigalugut isumaqatigiissuteqarnerullu suliaqarnerup nalaani piffissaq tamaat matussutissatut atuuttussanik eqqagassalerisoq inuussutissarsiornermi nalinginaasunik sillimmasiisimassaaq sillimmatimilu atuuttuarnissaat akisussaaffigalugu. Sillimasiinermi matussutissatut eqqagassalerisup aningaasartaliussai suliakkiisup akisussaaffigineranut killilersuutaassanngillat.

Tamatuma saniatigut sulisut ajoqusersinnaaneranut eqqagassalerisoq sillimmasiisimassaaq kiisalu biilit atortussatut nalunaarsimasut nalunaarneqarsimanningsullu motorinut inatsisit malillugit sillimmaserneqarsimasussat sillimmasersimassallugit.

Sillimmasiineq sillimmasiisarfinni akuerisaasuni pissaaq.

Isumaqatigiissutip atunnera tamaat eqqagassalerisup sillimmasiinermi aningaasartuutit tamaasa akilissavai. Ajoqusertoqarnerani allanillu nalunaarutigineqartussani suliaqarneq eqqagassalerisup isumagissavaa.

Eqqagassalerisoq piumaffigineqarnermini sillimmasiinerit matuma siuliani taaneqartut uppersarsinnaassavai.

9.3 **Pisinnaatitaaffinnik tunniussineq**

Isumaqatigiissut manna aallaavigalugu, Kommune Kujalleq ilisimateqqaarnagu allakkatigullu akuersiseqqaartinnagu, pisinnaatitaaffini pisussaaffinilu, inummut allamut pingajuusumut tunniussinnaanngilai.

Eqqagassalerisup isumaqatigiissut naapertorlugu akiligassat aningaaserivimmut kisimiilluni tunniussinissamini pisussaaffeqarpoq, tamannalu aatsaat pisinnaalluni eqqagassalerisup Kommune Kujallermut sullissinermini isumaqatigiissutini naapertorlugu pisussaaffimmi qularnaveeqquserneqarnerani pisassarisat qularnaarneqarnissaannut iluaqutaassappat. Tunniussineq pissaaq suliakkiisup pisinnaatitaaffii sukkulluunniit ataqqillugit.

Kommune Kujalliup isumaqatigiissut naapertorlugu pisinnaatitaaffini pisussaaffinilu suliffeqarfimmut allamut qaqugukkulluunniit tunniussinnaavai. Pisinnaatitaaffiit pisussaataitaaffiillu tunniunneqarnerini eqqagassalerisup isumaqatigiissut naapertorlugu suliassamik ingerlatsinissaani piumasaqaatit allanngussanngillat. Kommune Kujalliup pisinnaatitaaffini pisussaaffinilu eqqagassalerisup allakkatigut akuersereerneratigut inummut allamut tunniussinnaavai, tamannalu aatsaat pissaaq inuup allap taasuma aningaasatigut naammattunik qularnaveeqqusiisinaaneratigut.

9.4 Sullissisimut sullissisunik taarsiineq

Eqqagassalerisup neqeroorutininik allattukkamini sullissisussat sorliillu sullissisoriniarnerlugit paasissutissiissutigissavaa.

Sullissisussatut nalunaakkat Kommune Kujalleq aatsaat akuersiteqqaarlugu taarserneqasinnaapput.

Suliakkiisup piumasaqarneratigut eqqagassalerisup kikkut sullissisorinerlugit paasissutissiissutigissallugit pisussaaffigaa.

9.5 Suliassap annertussusaanik suliassallu suuneranik allannguutit kiisalu ersarluttut allallu

Suliassap nassuiarneqartut qanoq amerlatigineri allanngoraraluarpataluunniit eqqagassalerisup suliassaq sularissallugu pisussaaffigaa.

Suliassap annertussusaanik suuneranillu allannguutit pingaaruteqannginnerusut

Eqqaaviit, imaarsinerit amerlassusaat, sumiiffiit aallerfissat allallu allanngorartuartarnerat eqqagassalerisup akuersaartuartassavaa. Sumiiffiit aallerfissat nalinginnaasumik allanngorsinnaanerat eqqagassalerisup isumaqatigiissut atorunnaarsinngikkaluarlugu akueriartassavai, assersuutigalugu eqqaanermi allanilu aaqqissuussamut ilannguttoqartuartarnera taamaatitsisoqartartarneralu.

Imaarserinermi periutsit imaarsinermilu ataatsimi akinut allannguuteqarfiunngitsumik eqqagassalerisullu atortussatut toqqarsimasaanik allannguuteqarfiunngitsumik piffissamik atuinermi annertunerusumik sunniuteqanngitsut allanngortarnerat eqqagassalerisup akuerisassavai.

Angallannermi aqutissat allanngortinneqarsimatillugit, assaasoqartillugu allatullu suliaqartoqartillugu aalajangersaasoqarsimappat tamanna eqqagassalerisup akuersaartassavaa, aamma suliassap sularinissaanut sunniuteqassagaluarpataluunniit.

Suliassap annertussusaanut suussusaanullu tunngatillug allannguutit allat

Inatsisinik aalangersakkanillu Kommune Kujalleq oqartussalluunniit allat allannguuteqartitsissappata, allannguutillu tamakku eqqagassalerisup katersinissaanut annertuumik sunniteqassappata, tamanna eqqagassalerisumut ilisimatitsissutigineqassaaq.

Taama pisoqartillugu imaarsinermi ataatsimi akit isumaqatigiissutaasimasut tunngavigalugit allannguutillu eqqagassalerisup aningaasartuutaasa amerlinerinut naapertuuttumik eqqassalerisooq akinik naleqqusaaissaminut pisinnaatitaaffeqarpoq.

Allannguutit suliassap akikinnerusumik ingerlanneqarsinnaalerneranik kinguneqarpata eqqagassalerismut akiliutissat Kommune Kujalliup ikilisissinnaallugit pisinnaatippoq.

Oqartussat allat (assersuutigalugu inatsisinik allannguinermi) inatsinik aalangersakkanillu allannguutit ima angitiginnaapput Kommune Kujalleq allaat suliariumannittussarsiuusseqqinnissami pisussaaffilerneqartariaqalersooq. Assersuutit taaneqarsinnaapput isumaqatigiissuteqarnerup nalaani illut eqqaani eqqakkanik uumasuneersunik pinngitsoorani aallertalernissamik piumaqaateqartoqassappat allannguisoqartariaqalersinnaalluni. Taamatut pisoqassagaluarpata eqqagassalerisooq Kommune Kujallermut piumasaqaateqarsinnaanngilaq, aamma suliassaq isumaqatigiissutip naannginnerani pigaluarpata aammalu eqqagassalerisup isumaqatigiissutip ilaa tamaalluunniit atorunnaarsikkaluarpagu. Allannguutit tunngavigalugit Kommune Kujalleq pinngitsoorani suliariumannittussarsiuusseqqinnissaanik pisussaaffeqarlerneratigut isumaqatigiissummik atorunnaarsitsisoqassappata tamanna sapinngisamik qaammatinik arfinilinnik sioqqutsilluni nalunaarutigineqassaaq.

§ 6. Pisussaaffimmik sumiginnaaneq

Eqqagassalerisooq isumaqatigiissummik annertuumik sumiginnaappat isumaqatigiissutit ilaa tamaalluunniit Kommune Kujalliup siumoortumik nalunaaruteqaaqaaranit atorunnaarsissinnaavaa. Taamaattoqassappat Kommune Kujalliup eqqagassalerisumut allakkatigut nalunaarutigissavaa.

Pisussaaffinnik annertuumik sumiginnaanerit tassaasinnaapput:

1. Uteqqiattumik:
 - a) Kommune Kujallermiit piumaffigineqarnernik erseqqissaassutinillu malinninnginnerni
 - b) Imaagassatut ingerlaarfissat tamakkerlugit ingerlaarfigineqartannginnerini
 - c) Imaarsisarnermi kinguaattoortuarnerit
 - d) Eqqagassanik aallertarnermik aqqissuussinermit ilaanngitsunik katersinermit
2. Suliassamik immikkut nassuiaat (SA) aamma immikkut piumasaqaatit (SB) naapertorlugit suliassaasunit Kommune Kujalliup naatsorsuutigisaanit suliag suliarineqarsimasooq pitsaannginnerusujussuusimappat.

3. Pisortanut piumasaqaatit eqqagassalerisup eqquutsissimangippagit allatulluunniit inatsisinik unioqqutitsiuartarsimasoq paasineqarpat.
4. Eqqagassalerisoq akiliisinnaajunnaarpat akiliisinnaanngitsutulluunniit nalunaarutigineqarpat imaluunniit eqqagassalerisoq akiliisinnaajunnaartussatut nalunaarutigineqarpat.
5. Eqqagassalerisup ajoqusersimasaanik Kommune Kujallermut inummulluunniit allamut taarsiinissaq akuersaarnartumik tunngavilersukkamik kinguarsarneqarpat akilerneqaranilu.
6. Suliassap suliarineqartussap paasineqarneraniit eqqagassalerisumullu nalunaarutigineraniit ullut tallimat qaangiunnerini iluarseqquneqartut suliarineqarsimangitsullu eqqagassalerisumut nalunaarutigineqartut suliarineqanngippata.
7. Sullivinni avatangiisinut, politikkinut nalunaartussaannermilu pisussaaffeqarnermik nassuiarneqartunut tunngatillugu eqquutsitsinnginnermi.
8. Suliassanut inuttullu pissusilersuutissatut piumasaqaatit nassuiarneqartut eqquutsinneqannginnerini.
9. Naammattumik sillimmasiisimanissamik uppersarsaasiinissaq piumasaqaatit uppersarsarneqarsinnaanngippata.
10. Qularnaveeqqusiisimanissamik piumasaqaat piffissaatillugu eqqagassalerisup eqquutsissinnaanngippagu.

Sumiginnaasoqartillugu tamanna eqqagassalerisup Kommune Kujallermut ilisimatitsissutigisassavaa. Sumigiinaasoqartillugu sumiginnaanerup qanoq iluarsineqarniarnera sumiginnaaqqinnginnissarlu qanoq anguniarneqarnerisup eqqagassalerisup Kommune Kujallermut ilisimatitsissutigisassavaa.

Illumut sumiginnaasoqarsimanersup aalajangiinissami Kommune Kujalleq eqqagassalerisumut Kommune Kujalleq imminut isersinnaatilluni suliap Isumaqaatigiissitsiniartarnermut eqqartuussivimmut suliakkiutiginnissaanut pisinnaatippoq. Isumaqaatigiissitsiniartarnermut eqqartuussivimmut suliakkiutiginninneq suliaassanut kinguarsaataassanngilaq.

Eqqagassalerisoq aktiateqarfittut piginneqatigiiffittullu ingerlanneqarpat Erhvervs- og selskabsstyrelsen-imiillu atorunnaarsinneqarnissaanik piumarineqarpat imaluunniit suliffeqarfik nammineerluni atorunnaarsinneqarnissaminik piumasaqarpat isumaqaatigiissut Kommune Kujallermiit atorunnaarsinneqarsinnaavoq. Tamannali atuutissanngilaq Kommune Kujalliup allakkatigut piumasaqarneraniit ullinnaat suliffiusut qulit iluini suliffeqarfiup atorunnaarsinneqarnissaannik piumasaqaatit atuutinngitsut eqqagassaleriup uppersarsinnaappagu imaluunniit suliffeqarfiup

atorunnaarsinneqarnissaata iluani eqqagassalerisup suliassamik ingerlatsiinnarnissaanut Kommune Kujalleq aningaasatigut tamakkiisumik qularnaveeqqusiinnaappat. Qularnaveeqqusiinermi isumaqatigiissummi aningaasartaasa sinnerinut akiliinissamut sillimmasiinnikkut aningaaserivitsigut akuerisaasukkut qularnaveeqquserneqassaaq, tamatumanili suliffeqarfiup atorunnaarsinneqarnissaanut isumaqatigiissutip atorunnaarnissaanut suliakkiisup taarsivigineqarnissamik piunasaqaataasa ikinnerpaamik amerlaqatigissavai.

Eqqagassalerisoq suliassaminik arsaarneqarpat eqqagassalerineq allamut tunniutissallugu Kommune Kujalleq pisinnaatitaaffeqarpoq.

Atunnaarsitsinermut taarsiullugu sumiginnaanerlu annikitsuinnaappat suliassaq eqqagassalerisup nammineq akilerlugu qularnaveeqqusiinerluunniit akilerneqarnissaq naapertorlugu suliarissagaa Kommune Kujallermiit suliaritinneqarsinnaavoq.

9.7 Taarsiissuteqarneq

Eqqagassalerisup sumiginnaanermigut Kommune Kujallermut isumaqatigiissummik atorunnaarsitsinermi annasaqaatigititani matussusissallugit isumaqatigiissut manna tunngavigalugu pisussaaffigaa. Tassaasinnaapput nutaamik suliariumannittussarsiuussinermut nutaamut aningaasartuutissat eqqagassalerisup qularnaveeqqusiineranit akiligassanngortinneqartussat.

9.8 - Ingerlaannissamik unittoorneq/Naatsorsuutiginngisamik pisunik nalaanneqarsinnaaneq

Eqqagassalerisup pisuussutiginngisaaq nalinginnaasunik isumaqatigiissutinik isumaqatiginninniarnermut atatillugu suliumajunnaartoqartillugu suliartoqquusiunnaartoqartilluguluunniit imaluunniit pinngortitami arlaannik assingusunilluunniit pisoqartillugu eqqagassalerisup isumaqatigiissummi pisussaaffiinut ilaatinneqassanngillat.

Pisut matuma siuliani taaneqartut tunngavigalugit eqqagassalerisoq suliassaminik suliqaarsinnaanngippat tamanna Kommune Kujallermut piaartumik ilisimatitsissutigissavaa. Eqqagassanik katersinissap unitsikkallarnissaanik aalajangertoqarpat pissutsit nalinginnaasunngoqqinnerini eqqagassalerisoq katersinissaminik aallartitseqqinnissaminik pisussaaffeqarpoq. Suliassat suliarineqartunut akilerneqartussanut kinguaattoortoqartillugu immaqaluunniit immikkorluinnaq pisoqartillugu, akiliutissat kinguartinneqarsinnaapput atorunnaartinneqarlutilluunniit. Taamatut pisoqarsimatillugu eqqagassalerinerup nalinginnaasunngoqqinnissaanut sulisunik allanik sulisussarseqqinnikkut allanilluunniit atortussanik pissarseqqinnikkut eqqaanerup nalinginnaasunngorteqqinnissaata tungaanut eqqagassalerisoq ilungersuuteqarnissaminut pisussaaffeqarpoq.

"Unioqqutitsisumik" tunngaveqartumik eqqagassalerisup suliassanik suliarisinnaanngippagit, tamatumanis isumaqatigiissutinik isumaqatiginninniarnermut atatillugu suliumajunnaartoqartillugu suliartorniartunilluunniit isittaaliuisoqartillugu, eqqagassalerisup isumaqatigiissummi pisussaaffimminik naammassinninnissaanut pisussaaffeqanngikkallartinneqassaaq. Eqqagassanilli katersuinissap piaartumik

aallarteqqinneqarnissaa eqqagassalerisup ilungersuutigissavaa, taamatullu ilungersuutiginnissamini eqqagassalerisut allat aamma atorsinnaallugit. Eqqakkanik katersilluni ingerlaannermut unitsitsinermut sunaluunniit pissutaagaluarpat eqqagassalerisoq Kommune Kujallermut ingerlaannartumik oqaloqateqarnissaminik pisussaaffeqarpoq kiisalu sumik pissuteqartoqarnera suliallu qaqugu aallarteqqinnissaa naatsorsuutigineqarnerisoq paasissutissiissutigalugu.

Eqqakkanik katersilluni ingerlaarnerup unitsinneqarsimalluni aallarteqqinneqarnerani katersinissamik pilersaarummik Kommune Kujallermut akuerineqartussamik eqqagassalerisoq saqqummiussissaaq.

Piffissap imaarsinissap nalaani eqqakkanik katersinerup nalinginnaasunngorteqqinneqarnissaa naatsorsuutigineqarpoq.

9.9 Eqqagassalerisoq toquppat

Eqqagassalerisoq toquppat isumaqatigiissut katisimallugu aappaasup tigusinnaavaa. Taamatut pisoqartillugu isumaqatigiissummi pisussaaffiit aappaasup tigussavai.

Taamatut isumaqatigiissummik tigusinnaaneq suliassamik aqutsisuusussamik toqqaasoqarnissaanik piunasaqaatitaqarpoq, tamannalu Kommune Kujallermiit akerliliivigissallugu pisinnaatitaaffeqarfiussanngilaq kiisalu toqusup qimagaata suliffeqarfimmik ingerlatseqqissinnaanerani akuersissutaateqartoqassaaq.

9.10 Misileraalluni aaqqissuussinerit

Misileraanermi aningaasartuutissatut suliassanullu tunngatillugu kinguneqartussat Kommune Kujallermut sukumiisumik oqaloqatigiissutigieriarlugit eqqagassalerisoq misileraanernut assingusunullu isumaqatigiissummi matumani taaneqartunut aalajangersakkat nalinginaasut naapertorlugit eqqagassalerisoq peqataanissaminut pisussaaffeqarpoq.

Misileraanermi pineqartut tassaasinnaapput eqqakkanik oqimaalutaasarnermik misileraaneq, katersuinermi allaanerusunik atortoqarneq, imaarsinissap akuttussusaanik allanillu allanngineq.

Suliassaq isumaqatigiissut naapertorlugi suliarineqarsinnaanngippat, imaluunniit suliassap suliarinissaanut isumaqatigiissut naammattumik ilitsersuutitaqanngippat tamanna eqqagassalerisup Kommune Kujallermut piaartumik uparuutigissavaa. Kommune Kujallermiit aalajangikkat eqqagassalerisup malissallugit pisussaaffigaa taamatullu pisoqassappat eqqagassalerisup aningaasartuuteqarnerunerani kinguneqarpata tamanna uppernarsaateqartinneratigut aningaasatigut matussusiivigineqarsinnaavoq.

Nutaamik aaqqissuuisoqarsimatillugu neqeroornermi naatsorsuinermi tunngavigineqartut assingalugit akiliutissaq naatsorsorneqassaaq.

9.11 Nakkutilliineq nakkutiginninnerlu

Eqqagassalerisup suliassaminik ingerlatsinera pillugu Kommune Kujalleq nakkutilliilluarnissaminik pisussaattippoq, tamatumani eqqagassalerisup atortuutai assingisaalu ilanngullugit misissorsinnaallugit.

Kommune Kujalliup kajumissaarineratigut taamatut nakkutilliinissamut paasissutissat atugassat eqqagassalerisup akeqanngitsumik ullut 14-it iluini tunniussinnaasussaavai. Isumaqatigiissutip atorunnaarnerani paasissutissat Kommune Kujallermut eqqagassalerisup akeqanngitsumik tunniunnissai pisussaaffigaa.

Kommune Kujalliup nakkutilliinerani nakkutiginninneranilu eqqagassalerisup isumaqatigiissut manna naapertorlugu pisussaaffiunik arsaarsinnaanngilaa.

Kommune Kujalliup sukumiisumik nassuiaaqqusineratigut suliassap isumaqatigiissut naapertorlugu ingerlanneqarnera uppernassassallugu eqqagassalerisoq pisussaaffeqarpoq.

9.12 Suliffeqarfimmik tunniussineq

Eqqagassalerisoq eqqagassalerereersumiit sulisut atorfinitsinniarunigit atortunilluunniit tigusissaguni suliffeqarfimmi tigusinermi sulisut akissarsisarnerinut inatsisitigut pisinnaatitaaffiisa neqeroorummi eqquutsinneqarnissaat akisussaaffigaa.

Suliassani assigiinngitsuni tamani sulisut suliassamut piginnaaneqartut sulisorissallugit eqqagassalerisup pisussaaffigaa sullissinernilu SA-mi aamma SB-mi suliassat nassuiarneqartut sularinissaannut naammattunik atortoqarnissaq pisussaaffigalugu.

9.13 Atuutilersitsineq atorunnaarsitsinerlu

Isumaqatigiissut atsiorneqaruni atuutilissaaq. Taamaatitsinissamut atorunnaarsitsinissamullu tunngaveqarluni isumaqatigiissummik atorunnaarsitsinissaaneq erseqqissumik taaneqarnerani atuutinngilaq, tamannalu eqqaassanngikkaanni isumaqatigiissutip atuunnerata nalaani illua-tungeriinniit atorunnaarsinneqarsinnaanngilaq.

9.14 Isumaqatigiissitsiniarnikkut eqqartuussineq

Isumaqatigiissummut isumaqatigiinngissutit suulluunniit illua-tungeriit isumaqatigiinninniarnersigut aaqqinniarneqartassapput.

Illua-tungeriit Kalaallit Nunaanni Isumaqatigiissitsiniarnikkut eqqartuussivikkut isumaqatigiinngissutip aaqqinniarnissaanut isumaqatigiissuteqarsimanngippata illua-tungeriit isumaqatigiinngissutaasup Kalaallit Nunaanni Eqqartuussiveqarnikkut Kalaallit Nunaanni pinerluttulerinermi inatsit naapertorlugu suliakkiutiginnissinnaapput.